



*Regala bo sernan keri algo bunita pa nan sinti special..
Areglonan unico, Rosanan espectacular, Orquidia,
mata di Rosa, Carchinan hopi sweet y hopi mas!
Nos variedad ta grandi y di bon prijs!*



Caya Cuida bo Cura 14, Bushiri * Pa un pedido special yama 583-2650 ext.238. Pasa y wak pa bo mes!

Polis y SAC a discuti y yega na palabracion nobo diahuebs anochi

Un total di 12.500 persona por ta den CB Lago Heights awe pa final di Calypso & Roadmarch

Compara cu e 10.000 inicial cu polis a indica den siman aki

ORANJESTAD – Autoridad policial y SAC a dicidi di atende e asunto di capacidad di persona den CB Lago Heights diahuebs anochi mes, y a yega na un conclusion mutuo cu ambos por biba cune. Un total di 12.500 persona por drenta CB Lago Heights, di cual 10.000 ta personanan cu por cumpra carchi. Pues a logra aumenta e cantidad di benta di carchi finalmente na 2.000.

Tur esaki a cuminsa despues

cu autoridad policial a tuma nota di e programa Tasina Ta na ATV diahuebs anochi, y a compronde cu e persona encarga cu e Festival a declara publicamente cu tin 15.000 carchi pa vende, mientras cu por drenta 'apenas 10.000 persona cu ta ensera 2.000 persona cu ta envolvi directamente cu e festival.

Tabata durante e ultimo anochi di prefinal di Calypso, cu Polis hunto cu Brandweer

y SAC a bolbe dicidi di midi e tereno y a dicidi di hala e containernan di tal forma, cu e ta brinda espacio pa por lo menos 2.000 persona mas. Esaki tabata algo aceptabel pa SAC y awor por anuncia pues cu oficialmente tin lugar pa 2.000 carchi mas cu ta pone cu oficialmente SAC por vende 10.500 carchi total pa e anochi aki.

Tabata diaranson cu segun e persona encarga Juancho Kock, e la keda sorprende di tende polis anuncia e siman aki cu ta 10.000 hende por drenta e facilidad diasabra, cu ta inclui participante y polis y otro instancia. A confirma tambe cu ta 2.000 persona ta cai bou di e grupo di hende cu tin carchi cortesia, participante, polis y otronan. Como tal ta keda un total di 8.000 persona cu por drenta como publico paga, si sigui regla di polis.

Kock ta muestra cu e ta para ariba cu e ta kere cu por tin por lo menos 12.000 hende den e facilidad y cu nan a imprimi por lo menos 15.000 carchi.

Esaki kier men cu si tin cu bai segun polis su calculacion, un total di 7.000 carchi lo mester wordo para, si polis insisti awe cu no por tin mas di 8.000 carchi disponibel pa e entrada.

E problema cu SAC tin, ta e hecho cu nan ta contando cu por lo menos 12.000 persona pagando carchi, pa asina nan por ta cubri financieramente. Mientras cu cada carchi ta costa 35 florin, un 8.000 hende paga, ta genera un suma di mas di 260.000. Kita afor, e 180.000 cu Kock ta bisa cu nan tin na gasto prome cu habri porta, ta keda 100.000 florin pa otro asunto cu ta premio y mas. Esaki segun Kock, no ta suficiente

pa cubri e gastonan cu nan tin.

Riba pregunta di pakico ta awor polis ta bin cu e cantidad menciona di lugarnan disponibel, ta un sorpresa y un pregunta pa Kock. E no ta compronde pakico 4 dia prome cu e final di festival, ta bin cu un cifra asina. "Nan tabata sa for di november cu e lugar aki lo a bira e lugar di e actividad.

Nan tabatin mapa suficiente pa por a haci nan calculacion riba papel y bin cu e informacion aki. No 4 dia prome" Kock a bisa. Pues polis no por bisa cu ta awor nan a keda cla cu e containernan pa despues nan manda polis bin midi e tereno. Awe merdia pues, SAC lo laga sa cuanto hende lo por drenta finalmente. Si ta e 8.000 persona segun polis, of 12.000 persona segun SAC.